

Nota: Sila baca Risalah Pemberitahuan Produk ini sebelum anda memutuskan untuk mendapatkan SmartProtect You Exclusive. Pastikan terma dan syarat am telah dibaca.

Nama Penyedia Perkhidmatan Kewangan: Great Eastern Life Assurance (Malaysia) Berhad 198201013982 (93745-A) ("Syarikat")
Nama Produk : SmartProtect You Exclusive (SPYE)
Tarikh : <dd/mm/yyyy>

1. Apakah produk ini?

SmartProtect You Exclusive (SPYE) ialah pelan insurans berkaitan pelaburan ("ILP") yang menawarkan kombinasi perlindungan insurans dan pelaburan sehingga umur 100 tahun hari jadi berikut. Pelan ini menyediakan manfaat yang akan dibayar apabila anda meninggalkan dunia atau Hilang Upaya Total dan Kekal ("TPD") berlaku.

Ia juga didatangkan dengan tambahan 1% jumlah asurans bagi setiap tahun polisi yang lengkap sehingga maksimum 40% tanpa kos tambahan, yang dibayar semasa kematian atau TPD berlaku, tertakluk pada terma dan syarat yang dinyatakan dalam kontrak polisi.

Nilai ILP bergantung pada harga yang mendasari unit, mengikut prestasi dana pilihan anda.

2. Apakah perlindungan / manfaat yang disediakan?

Jumlah asurans asas bagi pelan ini ialah RM<Basic Sum Assured>.

Manfaat bagi Pelan Asas	
1) Manfaat Kematian	Jumlah asurans asas + jumlah asurans tambahan + jumlah nilai pelaburan, jika ada Bagi hayat yang diasuranskan di bawah umur 5 tahun hari jadi berikut pada ulang tahun polisi, lien kanak-kanak akan dikenakan.
2) Manfaat TPD	Jika TPD berlaku sebelum ulang tahun polisi apabila hayat yang diasuranskan mencapai umur 75 tahun hari jadi berikut, Syarikat akan mendahulukan jumlah asurans asas dan jumlah asurans tambahan seperti berikut: <ul style="list-style-type: none"> jumlah asurans asas dan jumlah asurans tambahan tidak melebihi RM10,000,000 akan dibayar dalam 3 kali ansuran tahunan dengan bayaran pertama bagi jumlah asurans asas dan jumlah asurans tambahan dibayar dalam satu jumlah sekali gus atau RM2,000,000, mana yang lebih rendah, dan baki jumlah asurans asas dan jumlah asurans tambahan (jika ada) akan dibayar dalam dua kali ansuran tahunan yang sama nilai. Manfaat TPD maksimum yang dibayar di bawah ini dan semua polisi insurans (termasuk rider) ke atas hayat yang diasuranskan yang sama ialah RM10,000,000 (tidak termasuk polisi berkelompok) bagi setiap hayat. Bagi hayat yang diasuranskan di bawah umur 5 tahun hari jadi berikut pada ulang tahun polisi, lien kanak-kanak akan dikenakan.
3) Jaminan Tidak Luput	Polisi asas dan rider yang dilampirkan (jika ada) tidak akan luput dalam masa tiga tahun polisi pertama jika jumlah nilai pelaburan kurang atau bersamaan dengan sifar pada tarikh penolakan bulanan bagi yuran polisi dan caj insurans, dengan syarat <ul style="list-style-type: none"> semua premium tetap bagi polisi telah dibayar sebelum tarikh penolakan bulanan tersebut pada setiap tarikh premium perlu dibayar atau semasa tempoh tenggang; dan tiada sebarang penarikan balik unit sebelum tarikh penolakan bulanan tersebut.
4) Manfaat Matang	Jumlah nilai pelaburan (jika ada) setelah ditolak sebarang hutang.

Manfaat Kemasukan Hospital dan Pembedahan
Smart Health Protector Exclusive-200-20K-500K
Sila rujuk Risalah Pemberitahuan Produk bagi rider ini untuk maklumat lanjut.
GREAT MediValue Exclusive-200-20K-500K
Sila rujuk Risalah Pemberitahuan Produk bagi rider ini untuk maklumat lanjut.

Nota: Manfaat di atas tertakluk pada terma dan syarat yang dinyatakan dalam kontrak polisi.

Dana Unit yang Dipilih:

Tahun Polisi	
Dari	Hingga

Peringatan: Sila baca risalah pernyataan dana kerana ia memberi penerangan berkenaan objektif dana berkaitan pelaburan. Pemilihan pelan atau kombinasi dana yang sesuai dengan matlamat kewangan dan profil risiko anda adalah penting.

3. Berapakah premium yang saya perlu bayar?

- Anggaran premium keseluruhan yang anda perlu bayar dinyatakan dalam jadual di bawah:

Umur Hari Jadi Berikut pada Akhir Tahun Polisi	Anggaran Premium Keseluruhan <Premium Mode>

- Tempoh pembayaran premium: <Premium payment term> tahun atau sehingga penamatan, mana yang berlaku dahulu.

Nota:

- (a) Syarikat memperuntukkan sebahagian premium untuk membeli unit dalam dana berkaitan pelaburan yang anda pilih. Sebarang amaun yang tidak diperuntukkan akan digunakan untuk membayar komisen kepada pengantara dan perbelanjaan lain oleh Syarikat. Anda dinasihatkan untuk merujuk kadar peruntukan yang dinyatakan dalam ilustrasi jualan.
- (b) Jika kelangsungan sebenar polisi anda akan berkurangan disebabkan semakan semula caj insurans, Syarikat boleh menyemak semula premium pada ulang tahun polisi dengan memberi notis 3 bulan terlebih dahulu kepada anda. Namun, jika terdapat sebarang peningkatan premium disebabkan semakan semula caj insurans Smart Health Protector Exclusive (jika ada) atau Smart Health Protector Plus Exclusive (jika ada) atau GREAT MediValue Exclusive (jika ada), Syarikat boleh menyemak semula premium pada ulang tahun polisi dengan memberi notis 30 hari terlebih dahulu kepada anda. Sebarang pengurangan premium disebabkan semakan semula caj insurans Smart Health Protector Exclusive (jika ada) atau Smart Health Protector Plus Exclusive (jika ada) atau GREAT MediValue Exclusive (jika ada) akan berkuat kuasa serta-merta tanpa memberi sebarang notis kepada anda.
- (c) Anggaran premium keseluruhan di atas adalah berdasarkan andaian berikut:
 - Anda membayar premium semasa dan premium baharu yang perlu dibayar dengan berterusan serta tiada penarikan balik sebahagian atau awal pada masa hadapan;
 - Caj insurans dan yuran polisi adalah berdasarkan tahap semasa pada tarikh ia diilustrasikan. Namun, caj insurans anda mungkin meningkat berdasarkan umur hari jadi berikut yang dicapai dan mungkin menyebabkan penolakan unit yang lebih tinggi daripada jumlah nilai pelaburan berbanding premium yang diperuntukkan semasa tempoh polisi anda berkuat kuasa;
 - Premium yang dibayar tidak menjamin kelangsungan polisi kerana nilai unit dana mungkin turun di bawah amaun premium yang telah dibayar, bergantung pada prestasi yang mendasari aset;
 - Tiada perubahan bagi perlindungan polisi anda seperti penambahan atau pengurangan rider dan/atau jumlah asurans.

4. Apakah yuran dan caj yang saya perlu bayar?

- Caj insurans ditolak secara bulanan daripada nilai unit anda. Caj insurans akan meningkat seiring dengan umur anda. Huraian caj insurans dan caj lain bagi ILP dinyatakan dalam ilustrasi jualan.
- Caj insurans adalah tidak dijamin dan mungkin disemak semula dari semasa ke semasa. Syarikat berhak menyemak semula caj insurans pada ulang tahun polisi, iaitu semakan semula (jika ada) akan menggambarkan pengalaman tuntutan kami, kos rawatan perubatan, kemajuan teknologi perubatan atau keadaan lain yang wajar. Perubahan tersebut akan digunakan pada semua polisi tanpa mengambil kira pengalaman tuntutan individu.
- Cukai perkhidmatan semasa yang dikenakan kerajaan akan ditambah pada premium yang dinyatakan dalam soalan 3 di atas, bagi premium yang dibayar oleh organisasi perniagaan selain daripada Syarikat.

5. Apakah terma dan syarat utama yang saya perlu ketahui?

- Kepentingan untuk membuat pendedahan - Anda mestilah mendedahkan semua fakta yang material dan menyatakan umur anda dengan betul.
- Tempoh memerhati bebas - Anda boleh membatalkan polisi dengan memulangkan polisi insurans dalam tempoh 15 hari selepas menerimanya. Syarikat akan membayar balik premium yang tidak diperuntukkan, nilai unit yang telah diperuntukkan (jika ada) mengikut harga unit pada tarikh penilaian yang berikutnya, sebarang caj insurans serta yuran polisi yang dikenakan.
- Jumlah nilai pelaburan - Jumlah nilai pelaburan ILP bergantung pada prestasi dana berkaitan pelaburan yang dipilih. Lebih tinggi perlindungan insurans yang dipilih, lebih banyak unit akan digunakan untuk membayar caj insurans dan unit yang tinggal hanya sedikit bagi mengumpul jumlah nilai pelaburan di bawah pelan anda.
- Tempoh tenggang - Anda mempunyai tempoh tenggang selama 30 hari dari setiap tarikh premium berikut perlu dibayar untuk membayar premium berikutnya.
- Polisi luput - Tertakluk pada Jaminan Tidak Luput, ILP akan luput apabila nilai unit pelaburan tidak mencukupi bagi membayar insurans dan caj lain.
- Prosedur tuntutan – Sila layari greateasternlife.com/my bagi maklumat lebih lanjut berkenaan prosedur tuntutan Syarikat.
- Lien kanak-kanak

Pelan Asas	
Umur Hari Jadi Berikut pada Ulang Tahun Polisi	Peratusan Jumlah Asurans Asas dan Jumlah Asurans Tambahan
1	20%
2	40%
3	60%
4	80%

Nota: Senarai ini adalah tidak menyeluruh. Sila rujuk kontrak polisi bagi terma dan syarat di bawah pelan ini.

6. Apakah pengecualian utama di bawah pelan ini?

- Kematian yang berlaku dalam tahun polisi pertama dari tarikh permulaan risiko atau tarikh sebarang penguatkuasaan semula, mana yang kemudian, akibat bunuh diri, ketika waras atau tidak waras.
- TPD yang sedia wujud sebelum tarikh permulaan risiko atau tarikh sebarang penguatkuasaan semula, mana yang kemudian.
- TPD disebabkan kecederaan yang dilakukan sendiri secara langsung atau tidak langsung, ketika waras atau tidak waras.
- TPD disebabkan kecederaan badan yang dialami akibat payung terjun atau terjun udara atau daripada penglibatan dalam pesawat udara selain daripada anak kapal atau sebagai penumpang yang membayar tambang dalam syarikat penerbangan komersial berlesen yang beroperasi pada laluan berjadual yang biasa.
- TPD akibat hayat yang diasuranskan melakukan, mencuba atau membangkitkan keganasan atau feloni atau sebarang pelanggaran undang-undang oleh hayat yang diasuranskan.
- TPD disebabkan hayat yang diasuranskan memandu kenderaan bermotor tanpa memiliki lesen memandu yang sah. Pengecualian ini tidak berkenaan jika hayat yang diasuranskan memiliki lesen memandu yang telah tamat tempoh tetapi tidak hilang kelayakan daripada memegang atau memperoleh lesen memandu tersebut di bawah sebarang undang-undang, undang-undang kecil atau peraturan.
- TPD akibat peperangan, sama ada diisytiharkan atau tidak.

Nota: Senarai ini adalah tidak menyeluruh. Sila rujuk kontrak polisi bagi senarai penuh pengecualian di bawah pelan ini.

7. Bolehkah saya membatalkan pelan ini?

Membeli ILP dengan premium tetap adalah satu komitmen jangka panjang. Anda tidak dinasihatkan untuk memegang pelan ini dalam jangka masa pendek memandangkan kos permulaan yang tinggi. Namun, anda boleh membatalkan pelan ILP atau rider yang dilampirkan dengan memberi notis bertulis kepada Syarikat. Jika anda dapati dana yang dipilih tidak lagi bersesuaian, anda mempunyai fleksibiliti untuk menukar dana.

8. Apakah yang saya perlu lakukan jika terdapat perubahan butiran perhubungan saya / penama?

Anda hendaklah memaklumkan kepada kami jika terdapat sebarang perubahan butiran perhubungan anda / penama bagi memastikan semua surat-menyurat dapat diserahkan kepada anda / penama dengan sepatutnya.

9. Bagaimanakah saya boleh mendapatkan maklumat lanjut?

Jika anda memerlukan maklumat lanjut berkenaan pelan insurans berkaitan pelaburan, sila rujuk www.mycoverage.my.

Sekiranya anda mempunyai sebarang pernyataan, sila hubungi kami di:

GREAT EASTERN LIFE ASSURANCE (MALAYSIA) BERHAD 198201013982 (93745-A)
 (Dilesenkan di bawah Akta Perkhidmatan Kewangan 2013 dan dikawal selia oleh Bank Negara Malaysia)

Ibu Pejabat : Menara Great Eastern
 303, Jalan Ampang
 50450 Kuala Lumpur.

Tel : +603 4259 8888
 Faks : +603 4259 8000
 Customer Service Careline : 1300-1300 88
 E-mel : wecare-my@greataeasternlife.com

10. Apakah jenis pelan lain yang serupa?

Sila semak dengan pengantara anda atau terus menghubungi Syarikat bagi mendapatkan maklumat berkenaan jenis perlindungan lain yang serupa.

NOTA PENTING:

INI MERUPAKAN PRODUK INSURANS DENGAN BERLANDASKAN PRESTASI YANG MENDASARI ASET DAN BUKAN SUATU PRODUK PELABURAN SEBENAR SEPERTI UNIT AMANAH. ANDA MESTILAH MENILAI PILIHAN ANDA DENGAN SEBAIKNYA DAN BERPUAS HATI BAHAWA PELAN INSURANS BERKAITAN PELABURAN YANG DIPILIH MEMENUHI RISIKO DAN ANDA MAMPU MEMBAYAR PREMIUM SEPANJANG TEMPOH POLISI. BAGI MENINGKATKAN NILAI PELABURAN PADA BILA-BILA MASA, ANDA DINASIHATKAN UNTUK MEMBAYAR PREMIUM TAMBAHAN SEBAGAI "PENAMBAHAN". PULANGAN KE ATAS DANA BERKAITAN PELABURAN ADALAH TIDAK DIJAMIN. ANDA DIGALAKKAN UNTUK MELANTIK PENAMA DAN MEMASTIKAN PENAMA ANDA DIMAKLUMKAN BERKENAAN PELAN YANG ANDA BELI. ANDA HENDAKLAH MEMBACA DAN MEMAHAMI POLISI INSURANS ANDA SERTA BERBINCANG DENGAN PENGANTARA ANDA ATAU TERUS MENGHUBUNGI SYARIKAT BAGI MENDAPATKAN MAKLUMAT LANJUT.

PERLINDUNGAN PERBADANAN INSURANS DEPOSIT MALAYSIA (“PIDM”) UNTUK MANFAAT YANG DIBAYAR DARIPADA BAHAGIAN UNIT POLISI/PRODUK INI ADALAH TERTAKLUK KEPADA SYARAT-SYARAT TERTENTU. Sila rujuk Brosur Sistem Perlindungan Manfaat Takaful dan Insurans PIDM atau hubungi Syarikat atau PIDM (layari www.pidm.gov.my).

Untuk maklumat berkenaan pemprosesan data peribadi dan hak anda ke atas data peribadi anda, sila rujuk Notis Perlindungan Data Peribadi yang dipaparkan dalam laman web greateasternlife.com, atau dapatkan salinan dari Pegawai Perkhidmatan kami.

Jika terdapat percanggahan antara versi Bahasa Inggeris dan Bahasa Malaysia untuk dokumen ini, versi Bahasa Inggeris akan digunakan.

Maklumat yang disediakan dalam pemberitahuan produk ini adalah sah pada <dd/mm/yyyy>.